

"SAN VALENTINO ARTE" ARRIBBAT IN SARDIGNA

De s'8 a su 31 de maju de su 2025, Casa Podda de Sàdili at a arriciri sa de XII editzionis de sa manifestada San Valentino Arte, su cuncursu internatzionali de arti cuntemporànea chi ònnia annu si fait in Terni, in su mesi de freàrgiu, in onori de Santu Valentinu, patronu mondiali de ònnia forma de amori. Ocannu s'at a istèrriri unu ponti intre s'Umbria e sa Sardigna gràtzias a Madè Eventi, chi pròpriu s'8 de maju a at a fàiri unu collegamentu in vìdeu in occasioni de s'obertura de s'ammosta in Casa Podda. Su prèmiu internatzionali est ativu giai de su 2014 e ocannu Madè Eventi nd'at pesau custa bella collaboratzioni cun su comunu de Sàdili po mèdiu de sa sìndigu Barbara Laconi e su grupu culturali Alessandra Sorcinelli, chi ant sceberau e postu in relata una filera de artistas ativas in totu su territòriu sardu. Comenti cunfirmat Maela Piersanti, imbentora e coordinadora de su San Valentino Arte: "Àiri postu a Sàdili intre is eventus de acàpiu in custa manifestada nascit po mori de una bisioni chi punnat a incruiri e promòviri s'arrexonu culturali intre territòrius chi feti in aparéntzia funt atesu, afortiendi is relatas intre comunidadi differentis po nd'avalorai is piessinnius. Sàdili, cun s'unicidadi cosa sua e su patrimoniu arricu de tradizionis diventat parti de unu progetu chi andat a mudai s'arti in unu linguàgiu universali, capassu de acostiai istòrias, culturas e paesàgius".

Isabella Cruciani, istòrica de s'arti e diretora artìstica de is eventus acapiaus a su San Valentino Arte cunfirmat: "In unu mundu sèmpiri prus globalizau, su San Valentino Arte ammostat ca s'avaloramentu de is arraxinis e de s'identidadi locali si podit mudai in occasioni de crèscida culturali e turìstica. Terni e Sàdili, duus logus chi parint atesu po geografia e cultura, cumpartzint meda prus de su chi parit e s'arti cuntemporànea at a mudai in aina de importu po contai e avalorai custas duas terras, ammostendi is piessinnius insoru e ponendi unu ponti intre is istòrias chi tenint. Ddas ponit paris non feti sa devotzioni po Santu Valentinu, figura chi est sinnu de amori e amparu, ma fintzas s'elementu universali de s'abba, chi donat vida e chi in ambas is biddas tenit sinnificu fungudu e pretzisu. Chi in Terni custu elementu est istau su motori de sa muda econòmica e industriali de su territòriu, fintzas gràtzias a sa fraigadura de is "Cascade delle Marmore" chi funt testimonia de imbentu umanu e de capassidadi de uniri bellese naturali e innovatzioni tennològica, in Sàdili cussu elementu fràigat su paesàgiu etotu. Custa oposizioni intre abba comente sinnu de progressu in Terni e abba fraigadora de paesàgius in Sàdili ndi fait bessiri a pillu s'unicidadi de cada logu: unidadi chi s'arti tenit su poderiu de istudiai, cumprendiri e avalorai. San Valentino Arte in Sàdili at a èssiri meda de prus de un'ammosta: at a èssiri un'esperientzia completa, unu liòngiu de mundus chi s'atòbiant, unu cumbidu a iscobèrriri – po mèdiu de s'arti cuntemporànea, sa bellese de is arraxinis e sa fortza de s'atòbiu".

ARTISTAS IN CUNCURSU

Efisio Angiargiu - Alessandro Ermete Archivio

Luciano Arrius - Raimondo Basciu - Luigino Camedda - Gianni Carta - Maria Lorena Carta

Massimo Cocco - Cinzia Collu - Marco Cotza

Ferruccio Ferru - Giampiero Frau -Riccardo Laria

Nelly Marlier - Vincenzo Montis - Lorenzo Muntoni - Frediano Augusto Mura - Valeria Murtas -

Tiziana Pili - Mabi Sanna - Veronica Scano - Bruna Schirru - Maria Grazia Spiga - Nino Stagi

Is tres artistas bincidoris de s'editzioni sarda ddus at a isceberai una giuria ténnica e ant a èssiri arricius po espònniri in sa de XIII editzionis de su San Valentino Arte chi s'at a fàiri in Terni, in freàrgiu de su 2026. Un'occasione ùnica de visibìlidadadi e cunfrontu, unu ponti de bellese intre duas terras, duas istòrias e duus paesàgius: unu bisu chi aunit, cun s'arti, s'ammentu e su disìgiu cumpartziu de fraigai benidoris nous.